

乾隆杭州府志

杭州府志卷四十二

水利 三 餘杭 臨安

餘杭縣

按苕溪匯天目萬山之水乘高而下至餘杭益以雙仇二溪雙溪源天目高陸二山俗稱北苕仇溪源高陸九仙二山俗稱中苕三水既合勢益奔涌直暴漲不能遽泄則泛濫爲害漢令開築南上南下二湖爲石門函引而囊畜之復于湖東南分洩爲南渠閒林二河南渠下注爲塘河流四十五里入於府北運河其一派北出者由黃母港仍會苕溪溪至南湖其勢已殺遂由錢塘安

流達湖州界以入太湖苕溪南湖相委輸諸溪皆合於
苕溪諸河皆分于南湖南湖治則縣境之水無不治矣
自唐迄今莫不以治南湖爲先務

後漢 熹平二年縣令陳渾修隄防開湖灌溉縣境公私

田一千餘頃所利七千餘戶

輿地志

湖東南嶽廟之側有石

櫺橋五畝塍二處皆漢陳渾遺迹南渠河上有東郭堰漢

陳渾置

咸淳志

唐 寶歷中令歸珖因漢令陳渾故迹置縣南縣西二湖

又于縣北二里開北湖溉田千餘頃

玉海

耆舊相傳昔洪水

衝决隄岸功用弗成歸與神誓民遭墊溺不能拯救是某

之職也神矜于民亦何忍坐視隄由是築就至今人名之

曰歸長官塘

柳幹惠
濟祠記

宋景德四年令章得一置堰于縣東南號千秋堰亦號

新堰斗門是處舊原有堰唐會昌二年廢吳越王復置咸

平中又廢至是復置

咸淳志
下同

宋縣令主簿並以管幹塘岸

入衙任滿無損者有賞故南湖岸隨時修治熙寧中因水

衝決其岸漸低紹聖中縣令李元弼率民築增三尺州又

差捍江兵士濠寨官助之塘漏則以藁爲箔捍護得免者

屢矣

崇寧間楊公時來知縣事時當蔡京貴盛其父前葬餘杭

因日者言用浚南湖瀦水爲形勝托言便民事下縣公詢諸父老咸謂不便卽條上力言沮之

惠澤祠記

政和中令孫延壽以新堰斗門漲沙易衝決築土以塞之宣和間以其材脩西函斗門邑人云縣之東南惟安樂一鄉地勢下而田畝廣常患天目湍水暴至故昔人開湖以殺水勢築塘隄以防泛溢又于溪南岸作大陡門二千秋堰陡門西函陡門是也又小函二許家壩化函陡門是也溪水漲則下板以防水入溪水退壩中水高則啟板以洩之旱則修千秋堰以遏溪流令水自陡門入南渠河以灌安樂鄉之田自縣至錢唐界溪流皆深濶不可爲堰獨千

秋堰有灘水淺可施人力陡門當安樂上流水勢亦順今
既廢陡門則此堰亦廢矣紹興初大旱南渠河至斷流邑
人頗思新堰斗門之利

咸淳志下同

父老傳云慶歷以前歲調

夫開湖湖東南有石橋橋五畝騰湖深水低則引兩湖之
水由此入安樂鄉後不脩治致湖湮塞欽德昭德兩鄉之
民侵湖成田梅月連雨必苦大浸欲其快于流洩于是騰
與橋毀弗修宣和中知縣江泰躬訪利害紹復前績民賴
其賜縣丞成無玷作記以紀其功

成無玷南湖水利記若水發源天目經兩郡六

邑以入于具區六邑者二當天目之麓山隘地高其三邑
處水下流水勢奔放不可爲力餘杭界其間襟帶山川地
勢平徹當若水之衝橫流歲常一再至久雨或數至倏忽
彌漫高處二丈許然不三日輒平其爲患雖亟除而難測

以禦也故隄防之設比他爲重使是邑也無隄防則野不可耕邑不可居橫流大肆爲旁郡害故餘杭之人視水如寇盜隄防如城郭旁郡視餘杭爲捍蔽如精兵所聚控扼之地也東漢熹平中陳公爲是邑始築兩湖以爲水滯並溪者曰南下湖環三十四里並山者曰南上湖環三十二里洪流從高赴卑其勢悍甚得所謂石門函者則折而匯于湖既就寬平其暴必殺溪流潏紆徐引而東湖之水遂洩于南渠河河流而東接東溪五福渠之水以入于吳興其派別而北者爲黃母港十二里與苕溪會於其會處節以石埭曰西函溪流方漲則閉以固東鄉之田俟其稍落則啟函以走渠港之潦下田亟乾水不備浸若旱暵亦啟函以灌溉膏腴千餘頃無水旱號爲沃壤衣食萬室出賦輸公無慮萬斛而計其爲旁邑利又倍蓰也其爲塘岸規制甚工得周官善防之意歷年寢遠溪湖皆高隄堰傾圯水或逆行漂沒廬舍西函旣自疎濬守者貪賂竊啟以渡舟水因大至官趣救目前遽塞之以弭患自函之塞十歲九潦民日益困土脉沮洳殆成棄地今大夫江公以宣和四年夏來臨此民屬兵火之餘眚民瘠甚爲之惻然思所以振之者編諷耆舊得溪湖利病甚詳乃以是年冬度工賦事民驩趨之始于西函次五畝歷次綠湖之岸當溪之

衝者曰紫陽灘尹家塘次護郊之隄曰中隔塘次緣溪之岸當西函之左右者西踰明星瀆東接廟灣之塘次上湖可洩者南渠河受水處曰石橋橋次緣溪之岸當石門函之左曰閑林塘南岸皆全矣凡北岸之塘與南對修由西門之外曰五里塘西山之橫隴當溪之衝者曰龜塘及東鄉之外盡十四壩之防一皆圓泊于是決渠之岸無偏強之患其下流遠郡與錢塘接境之田犬牙綺錯而塘在吾邑者曰廟灣曰許家壩曰菱蕩曰塘口曰蜃潭曰化灣與其西岸石瀨曹橋之間十餘壩之岸亦皆增葺凡隄防之設西函最為大大夫躬勤相撫循之雪霜風雨往來暴露車殆馬煩徒御疲劇而大夫踐履泥塗臨視指顧早暮不懈民知其為我勞也亦忘其勞嘗大雪與民約日霽而來民莫肯去凡函之制因其利而頗加以巧思要以養勇不動之心期以悠久不息之誠應于人而驗于物工師殫其技役夫敏其力堅厚精密巖巖山峙經始十二月甲寅落成于明年二月己巳其高七仞其袤一百三十丈兩岸橫敞其中開閉處少歷從歷度敞相去尋有半加膚寸焉攻石之工九百七十役庸萬有六千三百用緡錢四十三萬皆函下之氓計畝樂輸足用無贏不愆于素函成遠邇縱觀愕貽嘆服諸儒為文若詩以紀頌之自餘隄防由東塘

而上分委邑佐董之各因其地之民故役不告勞而功並
集由廟灣而下則因其塘長而語之靡不聽令併力以趨
洎如期成若五畝塍者他時蓋爲巨防今不盡復水無可
趨嘴中隔塘且爲城邑病故今五畝塍之制其高下僅可
隱人且長止四百九十五尺其北田岸漸高屬于山足者
凡五百尺下于塍尺許皆空不築湖水過五尺則般塍北
空處以流過六尺則般塍以流水之流塍下止五尺溪流
平則五尺之水復自石門函還納于溪而湖水般塍者勢
緩不爲東鄉及南渠河病近民因湖之塞稍耕其地利水
之速去也故隄防有盜決者往時湖與溪皆有塘長官免
差科俾專繕治旣而役之如皂隸然又常以假人民厭苦
之罷去旣久禁戒寢弛墮者弗增闕者弗美蟻蛙鼠穿獺
龜之穴漫而不訾者水至則潰今稍復增置塘長而蠲其
役又以五畝塍舉條令爲約束以絕盜決之弊民之蒙惠
無窮也嗚呼是舉也修積年之廢墜惟遠慮明斷主之以
惻怛濟之以勤敏卒能變棄土爲膏壤易榛蕪爲多稼化
飢饉爲豐年消驚畏而甘寢斯民安靜樂業耕則有獲養
老慈幼仁及閭里風氣清藹疾病不作德大夫之賜固昭
昭矣然功之所被及於旁郡而旁郡之人不知德蓋利愈
博而名愈晦我道然也俗吏苟媮歲月莫肯以民事經意

語民事則目爲迂闊聞公之風采不少愧乎宜和五年四月朔記

紹興三年三月左從事郎餘杭縣丞章籍建龍光陡門

嘉靖

餘杭縣志

紹熙甲寅畿漕黃黼重修南湖塘慶元丙辰正月訖事徐

安國爲記

咸淳志 徐安國重修塘記紹熙五年秋八月

夾塘岸百餘所漂沒室屋千五百餘家新天子嗣位視民如傷遣使旁午適侍御黃公黼弭節畿漕奉承德意挽骸賑饑悼湖塘之廢重爲三州六邑之害銳意興復力請於上取棄地于馬監發陳粟于豐儲出錢幣于漕庫關器用于殿司揆時庀徒悉募饑民羸者以畚壯者以築日役數千人所活甚衆填築敗岸葺廣舊隄列木以捍基編竹以實土增高既隆于舊橫敞旣袤于前環視上下兩湖數十里間如連岡之隱起堅壁之橫亘邑旣藉定民可耕鉏復以溪塘環繞一邑補治如初獨閑林塘附湖當溪水之衝隨築隨隄乃去其激水之平陸以實敗岸之罅隙沿舊隄

幫築其址益厚綿五十餘丈工以夫計二十萬四千二百二十有四錢以緡計二萬八千二百九十有二米以石計六千六百一十有六經始以是年十月至慶元二年正月訖事邑令周章董工役簿呂大勲主錢穀丞鄭昌時徐壽卿尉胡輔之佐其事漕屬李耆明葉時兼護之始終盡瘁焉

元至正十三年餘杭尹常野先增築南湖塘又增築縣

西官塘十八里

嘉靖浙江通志

明洪武二十八年工部差辦事官王真到縣開挑唐塢古城等二十七處河塘瀦水內築田圩共一百三十四所

嘉靖餘杭縣志

永樂二年戶部尚書夏原吉大理少卿袁復增築南湖塘

使濶厚創築廟灣瓦窑塘以防水患

成化舊志

五年修餘杭南

湖壩

明史河渠志

宏治間水利郎中臧某臨湖勘踏將各國佔湖田每一畝陞穀一石地一畝陞穀三斗蕩一畝陞穀二斗俱候秋成另倉收貯所築圍埂亦盡掘毀務令坦平意在蓄水難耕占者自退實非徒陞穀也豪民乘此紊佔獲利又不納穀甚爲失策正德間水利郎中宋某經行本縣知南湖囊蓄天目萬山水勢保障三府行府查追各佔湖田稻穀築陞造閘盡將庄房竹木折毀通行開濬還官勒碑三賢祠內

萬歷舊志

正德十三年十二月提督蘇杭水利河道工部郎中朱袞

修築南湖

嘉靖餘杭縣志

按此疑卽萬歷志所云郎中宋某事宋訛作朱

嘉靖十八年豪家徐衢等復占據湖田錢塘知縣陳天貴
申達巡按御史傅鳳翔通判王宗尹親詣湖所酌量水勢
議將湖南五畝塍築砌滾壩一所寢盈寢洩徭編壩夫一
名看守沿湖立碑永禁侵佔所圍土埂一槩剗平會陳令
以遷秩行未底成績二十三年奸民張景魁將湖田陰獻
戚晚邵氏爲護墳田事聞於水利黃光昇邵氏推讓還官
三十四年縣民葛臣等將前侵佔之害聞于水利道王詢
行委富陽令桂軌錢塘令吳應徵會勘兩縣令申文極爲

詳盡而時奉行無實萬歷舊志蓄洩今上湖民間估據無餘惟下湖賴以蓄水又欲承佃
不已漸不可長計其原蕩約有千數餘畝近存未佃尚有
三分之二若不及今修築堰壩蓄水勢則貽患居民有
不可勝言者矣蓋南湖本以蓄水堰壩不修則洩一洩則
涸湖蕩泥深而土沃耕之則為肥田不耕則為茂草故豪
民便壩之不脩樂水之速涸其涸也歲收膏腴厚產獨享
其利其澇也坐視澎湃巨浸而不與其害故餘杭一邑利
壩不脩而錢塘安樂鄉十有六里則實有剝膚之害也本
鄉民先年皆自用財力修築堰壩緣石不堅固易于傾圮
而奸豪又從而陰決之湖下小民幾為魚鱉蓋此湖乃重
利所在而近湖皆豪右之家今不修築堰壩其勢必至于
盡佔而後已將來無此湖則無安樂鄉十有六里之小民
矣故欲息爭訟在夫絕請佃而修築堰壩蓋堰壩修則水
以長蓄既蓄水則湖不可以為田既無佃種之利則豪右
自不至紛紛請佃而居民亦可以免歲歲之告爭矣且請佃
者不過曰軍餉而已今查徐衢等各侵佔湖田節經勘結
承納佃價稅糧及至追徵捏稱荒蕩遷延不納大槩官湖
皆為勢豪私佔而稅糧無絲毫入官積案累積徒為具文

此餘杭行道之人所爲忿忿不平者也且南湖未耕佃之
先國課未聞減耗南湖已請佃之後軍餉未見充盈飾辭
欺上侵佔不休上湖旣已湮蕪下湖日漸填塞上司嚴文
清理而奸民廣奏湖利賂囑權豪爲之陳說疊案歇滅並
無尺上還官是以沿湖數姓永享
其利而浙西三郡均被其害也

萬歷十八年通判江必暉重築天竺陡門

舊志天竺陡門徐沛復記

竺堰陡門不知創自何代引苕溪水入經子河抵蓮花橋
東與龍光陡門合流溉千畝膏澤萬家爲餘邑一大榮衛
龍光典守有人疏通若故而天竺爲上流之衝易于淤塞
自宋淳祐歷元泰定屢修屢湮至正德間邑侯喻公重濬
民甚利之迄今又淤一遇旱澇稼穡卒瘁今年夏秋間江
公必暉以佐郡署篆屬邑時邑庠生朱朝相沈煥然邑民
周澄等相與陳請謀復陡門故道公建白郡侯胡公旣聞
當道可之召附田居民照產出貲採石鳩工爲永久計舊
陡門凡二外者焚以石則增葺焉內者原用瓦筒通水故
易傾則改築石函制如外其經流之處延袤數里淫者濬
高者剗侵佔者清理判部曹君子華暨朱沈二生各殫心
力恪恭乃事始于七月中旬落成于九月初吉又設編役

以時啟閉旱
澇有備云 三十七年令戴日強奉檄相度湖勢定址開

溶監碑八座以三官廟爲東界下鳳山爲南界鱔魚港爲
西界石涼亭爲北界東嶽廟爲東南界三賢祠爲東北界
荒蕩爲西南界石門橋爲西北界湖中築十字長隄隄上
蒔桑萬株一便固隄一便召佃充五年一小濬十年一大
濬之需仍于茗溪旁築塘二以固隄防湖隄內設閘二以
節奔涌設壩二以防衝嚙四隅各設夫二以察損壞規制
剗然可垂久遠餘杭縣志 戴日強濬湖築塘圖說南湖
爲豪民肆佔不能受水橫潰衝決塘隄傾
圯萬歷三十六七年間洪水漂流時錢塘聶公擊目慘心
慨然擘畫申當道建議濬復南湖鳩工經費議論鑿鑿上
疏題請以沒入貂翼銀四萬餘金動四萬衆民力而湖工
興築會聶公行取繼雲間楊公董其事日強受命來令此

土適丁其時乃率僚佐督部役蚤夜經營塞者通之淤者平之缺者補之圻者填之用民之力以濬湖土運湖之土以培湖塘三年告成湖身周圍三十餘里湖塘高四丈濶五丈視昔之塘蓋三倍之湖之設以分溪之流也溪身平陂惟賴南北兩岸塘隄挾持水始安瀾順流而下無旁溢之患蓋湖者溪之吐納湖不濬則溪水以四分而為害北塘毀餘邑者溪之關闌塘不築則溪水以四分而為害北塘毀餘邑十六壩首被之浸潰于仁和德清而吳興受其害南塘毀餘邑餘邑靈源章鄭諸鄉首被之浸潰于錢唐崇德而嘉禾受其害明乎三郡之利在濬湖之深築塘之固矣且其沿溪兩岸上自臨安下抵錢塘延袤五十餘里鱗次二十四塘中置淺洞斗門以脩蓄洩皆非一築卽可永無患者也某任事來而瓦窰風儀月灣响山土橋諸塘相繼營築官與民殆無寧日矣幸今年湖工告成諸塘安堵東南半壁實嘉賴之爰爲圖說以備考覽金學曾南湖告成記武林山水聯麗介錢塘餘杭間有南湖焉漢熹平陳公渾因大禹西海迹爲之經營者也縱橫一萬三千七百畝崇岡鬱蟠波光耀碧清輝映帶氣候遞換形勝與西湖埒後漸湮塞唐寶歷歸公珣修之宋崇寧楊公時又修之三賢皆載祀典按志天目諸山之水迸注苕溪分注石門港由石門

港逶迤而入汪汪森森匯成巨浸是爲南湖其下流杭嘉
湖三郡受之蓋若居亭然滿積有區用以緩其澎湃洗滌
之勢不致衝潰難禦而曠旱時引溉溝塍三郡咸被其澤
數百年來稱東南一大利藪矣歲久防弛瀕湖諸豪爲政
臚割潢汙封殖益廣至并三尺法不顧宏正間水部臧公
朱公皆欲奮以還湖議已定迄無底績至嘉靖初侍御傅
公始慨然以清復爲已任然攷碑亦僅還湖八千一百六
十畝無何諸豪割據如初并其碑遷之黍稌高廩穰桑茂
樹達軌如林臺榭相望清復故址不可復識矣湖廢則水
無所歸淫潦旣苦漫漭一遇亢旱遂致束手而仰雲漢庚
癸之呼憤惋無所控訴歲戊申杭郡雨連月不休水從餘
杭建甌而下由錢塘注具區漂沒廬舍田疇以萬萬計三
郡之民日蟻集轅門告災時水利大參王公偕錢塘令聶
君往占狀民荷蓑笠以銚斧從者千餘人隨車所向一呼
而鄧林合抱綺閣連甍聲應俱摧如拉枯朽水勢因以稍
舒衆共跳躍誰舞震山駭谷遂縛豪置之法而上其事中
丞高公直指鄭公成蒿目焦心以興湖爲急務日集所司
條便宜郡邑長佐次第往督蓄洩高下故道及所爲永遠
計者旣備且茲費約巨萬括諸豪侵牟及三郡贖緩若不
給則議加賦會兩臺按治貂翼沒所侵替帑金請給四萬

金爲修復費得俞旨于是相度湖勢除高田七百四十畝
 有奇三分之二以補軍屯一以召民佃其他菰蒲禾黍之
 區無問在官在民盡斥爲湖如傳侍御清復之舊而止豎
 界石八座以三官堂爲東界下鳳山爲南界鱔魚港爲西
 界石涼亭爲北界東嶽廟前爲東南界三賢祠爲東北界
 荒蕩爲西南界石門橋爲西北界其立法也湖分四隅隅
 分二十井井分六十畝畝分十區計用夫若干里遞派之
 每夫計領工銀若干有司領之每夫領工食計汰泥若干
 委官督之卽川淤泥築十字長隄隄上蒔桑萬株使湖藉
 隄以爲固堤藉桑以爲固而桑與田所入皆官筦之以充
 五年一小濬十年一大濬之需庶亦免徵派云是時兩臺
 旣朝夕下檄督覈諸司及營諸勤窳狀而一時贊襄有司
 櫛沐拮据不遺餘力工垂成復盡善後茨于茗溪旁築塘
 二以固隄防湖隄內設閘二以節奔湧堤外設壩一以防
 衝齧四隅各設夫二以察損壞以三十七年十一月十一
 日鳩工以三十八年十二月十五日竣役仍著爲令所在
 縣官課績一切以湖興廢爲等牒上大司農具疏請上皆
 報可一時臣工咸用肅欽奉揚休命將載諸貞珉以彰不
 朽以屬不佞不佞敬手醵言曰南湖之設賴皇上湛恩諸
 公矢謨奪豪畝八千有奇捐帑金三萬俾浙以西三郡生

齒萬萬出魚鼈腹而履平成比歲以登輸金錢穀麥供王
賦歲以百萬計于今臻厥成焉第念締造孔艱美成在人
彼豪駘駘巧以中當事者而滅箝其下偃舞之及豈在一
朝不虞爲傳侍御之續乎則中丞直指兩公四載之勤百
世之利敢告循良以永厥圖方祇上下實鑒臨之矣是役
也主持則督撫中丞高公舉按部直指鄭公繼芳張公惟
任協贊則左轄吳公用先大叅王公畿稽覈則別駕徐君桐
魏公珩如杭郡守令擢學憲王公畿稽覈則別駕徐君桐
司理孫君毅綜理則錢塘丞熊曰忠富陽丞鄭舜卿餘杭尉
戴君日強分委則錢塘丞熊曰忠富陽丞鄭舜卿餘杭尉
陳時嘉均著勞績例得並書而系之以銘銘曰天日肇源
石門剖絡瀟以安流震澤爲壑衆濤溢激若擣戎兵師出
以律甲騎雲屯千頃洪浸乃奠厥土按轡徐行吐納之府
岸谷匪夷滄化爲田狐營其窟寧顧十千大溢稽天衆怒
難犯奮臂一呼誅鋤轉盼旣懲之法濬川決渠聚糧而謀
地肺灌輸帝曰其咨朕心孔疚煎膏操義孰貽之咎大慙
如蚊嗜民之脂出爾反爾取懷與之春插聿興跣踵烟附
簪鼓沸騰汪洋指顧長虹飲渭綽以文梁揚霄振靄流霞
瑞芳三郡告寧蘊崇寧解望舒躍金期陽逸駭瞻彼靈雨
于桑于田瑞膏丹粒綠縹芊眠禮思其終有備無患僉曰

是役一舉三善貴逾萬銀薄飲不浮勞逾萬衆時使用休
事不告窳期而功奏保定孔固俾而單厚古不云乎惟星
從風下之視上若金在鎔杜囂室瑕網繆貴蚤不假挈三
鏡累土師保繩繩無疆萬姓之福自天申之敢告司牧

十九年令戴日強脩築瓦窰新灣等塘浙江通志陳禹謨重築瓦窰塘記

萬歷三十七年戴侯來令邑諮訪民瘼惟水患爲最劇蓋
名之有南湖主蓄洩分殺至于溪水約束全賴塘以隄防
隄防不固患仍决裂上年新灣塘决矣未幾月灣塘又决
矣瓦窰塘勢據上流天目直瀉之水正當注射塘勢卑弱
不支衝禦岌岌乎殆哉于是借邑丞衛君暨耆老數十輩
計塘之最險者三百九十丈次險五百一十丈議當下用
椿石以固其基上培泥土以厚其勢侯捐俸六十餘金照
新月二塘例委任于衛君君固楚人瀕于江素習治水法
慨然以堅築自任于是擇老成精練之人以分佐之如督
工則有金標採椿則有郭羔蕭橋土工則有曹賢蔡應文
喻森斲石則有周安文植潘相等至于錢糧收給則有邵
業各殫心力以供趨赴而侯則日往一視精心以總覈而
責成之起于萬歷三十九年
之七月至次年十一月落成

國朝 康熙元年知縣宋士吉于南湖滾壩上更襄築輔壩廣

袤高下與滾壩等

浙江通志 宋士吉增南湖五畝勝輔壩記余覽舊志知若溪之能安行注震

澤者以旁分其勢有南湖南湖之水有所滯亦有行注震
宣節其流有五畝勝滾壩也壩始于漢熹平邑令陳公廣
袤千餘丈而高下畫一有尺寸不可踰者夫壩砥洎湧于
下趨似宜高然稍高則東南有餘流之利西北受泛溢之
災矣引洪流于上洩似宜低然稍低則西北獲安瀾之居
東南被衝激之害矣乃茲壩之準也酌其高下量其盈縮
使水來有所滯滯不至于溢去有所流流不至于湧昔謂
其如璇璣玉衡累黍不差每春夏水漲時驗之良然士吉
受任以來講求邑中水利因見滾壩木漸以朽石漸以圯
上之勢漸以頽則壩之力漸以薄徒培脩之無益也欲計
萬全其惟于滾壩上襄更築輔壩乎因詳請于撫臺朱公
報可遂督同水利官沈元斌及縣丞王家善典史馬應舉
倡南鄉十八都民飭材鳩工尚義者以次樂助是役也經
始于康熙元年十月告成于次年夏五月凡木石費千金
人工以萬計豎木必深壘石必堅積土必厚其廣袤高下
一與滾壩等滾壩既修輔壩增築二壩相依百年鞏固矣

蓋南湖爲分溪水而濬滾壩爲節湖水而建輔壩又以護壩而增因略記其始末以貽後之盡心水利者毛先舒
餘杭重修南湖壩碑記昔禹治水至揚州及三江彭蠡而止卽漸江出三天子都禹不及焉况餘流哉故吳越諸水煩後人踵事爲經畫較他州爲甚杭州屬邑之大者曰餘杭邑有南湖水之次也蓋邑稍西爲天目之山茗水出焉彙萬派爲洪流以注于杭州諸別邑及橋李菰城土田咸視爲利賴而南湖實蓄洩之故茗水至此爲之一停湖袤約二十餘里方春波秋潦彌望無際稍暎則葑茭叢生其中鳧鷖唼喋人可展而過也使其無以限之水生則將以諸郡爲壑涸則又無以爲灌漑畝率莽矣故邑自漢唐以來諸循令必大作滾壩使漲無暴瀉殺不及乾浙西水利壩功殆居半焉故國人感德多廟祀而謳歌之至今康熙辛亥朱侯受命來淮茲邑偉績惠政不可枚述念壩歲久日益頽圯因躬詣壩所周遭相視度慮形勢而加之功于是庀材鳩旅衆役畢興堅植土基厚填木石築滾壩外更築輔壩旣挑土以築輔壩則土去而湖道益濶可以納奔流利浸溉而重壩相倚卽永無衝决之虞蓋一事而衆善備焉先是侯之經始也卽首自捐金爲理隨牒陳諸便宜上府府詳于憲皆嘉許以爲可行侯益喜奮勵自任而邑

鄉大夫士及諸父老皆相率輸財與力侯親勸勞百姓子
來歷二百日而壩功告成所謂擇勞而勞因利而利則
遠害勞則永逸是役也豈非歌舞之所不能展而廟祀之
所不能報者歟嗟乎美利無窮待人則興假使化湖爲良
田歲入數十百鍾止耳茲竟用蓄洩之利澤及數州田幾
數百萬畝畝收溢石今望之湖水如疇湖隄如坻皆穰穰
米粟也誰爲之也

今天子惠愛斯民慎寄百里侯且以報政第一擢居大僚天下
望侯蒸爲霖雨則區區障決灌潤一方以補禹力之弗及
固未足爲侯頌第懷德勿諉者不能亡辭以永之耳詩云
蔽芾甘棠勿剪勿伐後之過碑

而拜者吾知蓋千萬世矣夫

康熙十年九月巡撫范承謨酌溶南湖捐俸委杭州知府
嵇宗孟會同仁錢德清分土工本縣知縣張思齊晝夜
監督開濬四縣民夫皆大鼓勵閱三月告成是年知縣張
思齊又捐貲脩築天竺陡門改舊井字式爲八字式以便

啟閉復開浚港道引溪流入溉田畝民利賴之

餘杭縣志

乾隆三十四年巡撫永德履勘南湖形勢及建塘設壩原委議將下南湖西南隅所有新丈入額田地三百二十餘畝剷復豁糧以還湖身之舊滾壩東皂莢泥塘逼近深潭易致衝決議取湖中浮土填潭使塘身寬厚以成要工凡一切塘壩俱倣紹興南塘之例令應脩各里民人每歲按畝出錢交官存貯遇有應修塘壩估工價按數發交該董事經理有餘卽挑土培塘并設壩夫三四名巡查看守以防偷掘俾南湖節宣充暢足以分殺暴漲則附近鄉里永無衝決之患十一月具

奏奉

旨如所議行

縣冊 永德查辦餘杭南湖奏餘杭縣居於潛隔安二縣之下於潛天目萬山之水由臨安境內分

流入餘邑之西北二鄉有南苕中苕北苕三溪內南苕水勢較大于中北二苕南苕卽在餘杭縣城之南門外中北二苕在縣城東北相距稍遠其南苕之水上自縣西由臨安之渡馬橋而入餘境東至湯灣渡匯中苕之水又折而北與北苕會合中苕自縣西臨安之賢庫而來東出湯灣渡匯南苕之水與北苕會合北苕自縣西北從臨安之黃度嶺東下經行錢塘之瓶窑鎮匯南中兩苕之水直趨湖屬德清等縣以歸震澤湖此苕水之來源去脉也邑之南門城下逼臨南苕跨有通濟橋一座渡橋過瓦窑塘二里卽係下南湖從前尚有上下南湖在下南湖之西南上首久已淤塞成田考之邑乘上下兩湖俱係漢熹年間開闢南苕上承天目諸山之水遇山水驟發勢甚洶湧而溪身僅寬二丈有餘宣洩不及且貼近城南正當其衝故闢以諸水而于下南湖之西北隅龍舌嘴鑿口引水入沙溪由石門橋而入下南湖之東北面築有塘隄南面依山爲塘西面相近上下南湖地勢高阜卽以地爲岸未設塘隄湖之

中心築十字塘分爲四井藉以分殺南若之暴漲併可保衛倉庫城池原非爲灌溉下游田疇而設繼因下南湖湖身高于茗溪如遇溪水盛漲則分洩入湖如溪水退落則湖中之水仍到退入溪明嘉靖間錢塘陳令又慮倒洩爲患相度下南湖之東南地勢稍低遂于地名五畝塍之上設立滾壩以爲湖水出路遇湖水漲滿卽由滾壩洩出一由鳳皇山南蔣家潭分洩一由鳳皇山北分洩皆歸于省城官河其蔣家潭洩出之水每當小水之年則可以灌溉餘邑東鄉之閑林等庄十四里及錢塘縣欽賢履泰等鄉田地水大則從滾壩奔騰而出亦有漫溢之虞故環湖塘隄向係民捐民修按田輸費設有董事經理此開闢南湖分殺南茗水勢及建塘設壩之始末也至上下南湖地勢又高于下南湖近山而不近溪自前明卽淤漲成田其何時侵佔報墾陞科世遠年湮無可稽考乾隆十三年前撫臣方觀承曾于嚴禁侵佔官湖案內奏明上南湖久已淤墾入額准下南湖應行修濬塘閘洞清查墾佔以資蓄洩續于乾隆十九年又經前撫臣雅爾吉善查明上南湖續墾田地及地蕩改墾成田共十八頃零又各里改墾田地蕩八頃零俱無碍水道應聽陞科計應徵銀一百七十兩零于十九年爲始入額征糧亦經

奏明有案今臣查勘上南湖盡成阡陌勢難濬復且地勢本高
浚亦不能蓄水伏讀

諭旨或上湖之田藝闢已久無碍水源則又不必盡棄民恒產
已蒙

睿照明晰應欽遵
諭旨辦理毋庸另議至下南湖誌載界址東以三官廟為界南

以下鳳山西以鱈魚港北以石涼亭為界東南則至東嶽
廟東北至三賢祠西北至石門橋今逐一履勘舊址俱存

均無侵佔惟西南一隅形勢係拖出斜角地場本寬原以
荒蕩之楊梅山腳下為界今勘得此一帶湖身亦間段開

墾成田土名百畝圩王毛圩荒蕩圩共丈有入額完糧田
地三百二十餘畝即在乾隆十九年報陞各里田地八頃

之內以致西南一井形勢不全湖身窄小不能多蓄一經
山水驟漲節宜無地大非善計今應查照魚鱗再加履畝

細丈將此三圩田畝剷復豁糧退還下南湖以足西南之
界計所豁之糧約計二十餘金而湖身復舊水可多容所

全實多至欽奉
諭旨應將下湖通身浚挖並量設堰關俾得容蓄來源疏通泉

脉于水利農田兩不相妨方為妥善等因欽此仰見我
皇上籌水利以惠民至意今臣遵

水利

旨相度測量水面南湖高千苕溪幾及丈餘現在南苕龍舌嘴進水之處溪水僅有三四尺必溪水長至一丈一尺之外方能引進南湖長至一丈三尺以外方能流過滾礪是南湖一區止爲暫蓄苕溪之暴漲而設向來溪流漲而湖亦漲溪涸而湖亦涸故溪水退落則湖中之水仍退還溪中確勘情形此湖之蓄洩僅有關於餘邑之東鄉十四里及錢塘之欽賢等里而不能灌溉杭嘉湖三郡亦不能爲杭嘉湖之患今歲杭湖二屬之仁和歸安烏程等縣低田被水皆因自春歷夏雨水連綿不獨本省之杭嘉湖等府在在河流盛漲卽江南之蘇常等處亦河流漫溢俱滿注震澤而震澤之水係由婁淞泖潏入海婁淞亦不能暢流宜洩以致杭湖之水一時竟無所歸宿且湖州一郡上受苕霅諸溪之水而苕溪更有二支一卽自於潛臨安而來之南北中三苕又一出孝豐安吉而至郡城此外尚有長興武康安吉孝豐各處山水俱萃歸于湖府其低田被淹實由太湖尾閘不能容受所致並非由南湖之貽害况湖身高于南苕丈餘卽使開深數尺若溪水弱小亦不能激行而上似于容蓄無益現在丈量湖之四岸計共一千二百餘丈核筭見方一丈起土一尺卽以開深三尺而計便須起土一百二十餘萬方約計需銀幾及十萬工程浩大不但

民力實有不能卽使籌款動項恐亦徒滋糜費惟湖之東
南滾壩東首有皂莢泥塘今歲水漲衝決其時餘邑之閘
林十四里亦被水淹浸幸地居上游旋即消退無碍今皂
莢塘雖已經里民補築完整但查勘塘外逼近深潭塘身
单薄設遇暴漲則一線土隄未足捍衛若改建石塘不惟
工費不貲且石塘勢重塘脚空虛亦難屹立臣詳加查酌
應將塘外潭水不致侵逼塘根而塘身寬厚足資穩固查現有從
前墾戶所緣修濬河溪公費銀八百兩存貯縣庫應卽以
此項辦理如有不敷再令餘邑十四里及錢塘欽賢等鄉
民人按田出夫以成要工嗣後一切塘壩仍照舊例民捐
民修第愚民狃于因循而樂于便安向來修築塘壩按田
輪費往往推諉不前又上南湖地勢居高每遇水滿之時
上南湖民人恐墾田被淹偷掘下南湖隄埂以興洩水亦
爲下游十四里民田之害今酌議下南湖應修塘壩嗣後
仿照紹興修築南塘官收民辦之例酌令應修之各里民
人每歲按畝出錢數文交官存貯如遇塘壩應行修築卽
令董事估計工價按數發交該董事經理不假書役之手
或有捐剩餘錢卽挑土培塘俾塘身日漸堅厚湖沙日漸
低淺并添設壩夫三四名責令巡查看守以防偷掘如此

割復全湖堅築塘壩而又歲修以時巡防有人則下南湖節宜充暢足以分殺南苕之暴漲而湖水瀦洩得宜亦于餘邑之東鄉十四里及錢邑之欽賢等里均可免衝決之患矣除行司飭速查照辦理外緣奉

諭旨事理謹將勘明情形繕晰擬實奏覆併繪圖恭呈

御覽伏祈

皇上睿鑒訓示謹奏

塘堰壩陡門寬

樓東塘 號月塘灣在安樂鄉

咸淳志下並同

白塘 在安樂鄉

化灣壩塘 西海塘 下湖塘 東塘 和尚塘 寺中

壩塘 郭家壩塘 里新塘 義林壩塘 陸家壩塘

聞壩塘 右並在安樂鄉

皂莢塘 在縣東南五里滾壩之東舊逼深潭咸淳志

乾隆三十四年巡撫承德取湖中浮土填潭培令塘身寬

厚縣冊

溪西北夾塘 在縣東十里免函界萬歷舊志下同

免函塘 在縣東十五里係西函陡門塘

池灣塘 在縣東十三里免函界舊名高池塘嘉靖餘杭縣志

南湖塘 在縣南三里欽德鄉文山界自望湖亭至岳廟

一帶萬歷舊志

上湖壩塘 芋山壩塘 並在同化鄉咸淳志下同

龜邊塘 俗呼龜鼈塘水界記曰龜塘在同化鄉

五里塘 在同化鄉 西門塘 在縣西半里苕溪北岸

自總舖至龜邊塘舊名五里塘

萬歷舊志

沌湖壩塘

在同化鄉

咸淳志

北湖塘

在縣北八里同化郎王界

嘉靖餘杭縣志下同

謝家塘 在縣西北五里郎王界

下陡門塘

在縣北十里同化仙宅界

項家塘

在同化鄉

萬歷舊志下同

瀆塘

舊名和尚壩塘在縣北十里

費墅中嶺塘

在縣北十五里仙宅界

嘉靖餘杭縣志下同

井塢塘

在縣北十五里盛宅界

雙清塘 在縣北二十里一作雙灣在縣北二十五里仙

宅界

丁墓塘

近丁橋

萬歷舊志下同

全塢塘

近舟枕山

丁墓全塢並在同化鄉

浙江通志

閑林塘

在縣西招德鄉亦號魚行塘

咸淳志下同

中隔塘

在招德鄉

中夾塘一名中隔自閑林而下

萬歷

舊志

石門塘

在縣西南二里茗溪之南

嘉靖餘杭縣志

尹家塘

在招德鄉自西南轉西北號為徑頭

咸淳志

南湖草塘

在縣南招德鄉舊名天塘

嘉靖餘杭縣志

碧塘

在招德鄉接錢塘界

萬歷舊志下同

鋪路官塘

在縣東三里招德鄉由部伍橋至錢塘界

廟灣瓦窑塘

在縣西二里苕溪南岸自石門塘至通濟

橋

嘉靖餘杭縣志下同

鳳儀塘

在縣東半里自通濟橋東至錢家埠塘

新灣塘

月灣塘 響山塘 土橋塘 並明令戴日強

脩築

浙江通志

鹿景塘

亭子壩塘

並在孝行鄉

咸淳志

仇山塘

在縣北十五里孝行鄉白社界

嘉靖餘杭縣志

鎮前塘

喻家塘

洪高白社塘 邊溪塘

並縣北孝

行鄉鎮前去縣十七里喻家十八里洪高二十里邊溪二

十二里

萬歷舊志

唐塢塘

在縣北二十五里後沓界

嘉靖餘杭縣志

查河塘

在縣北三十五里

咸淳志

陶村塘

插壩塘 並在縣東北二十里

嘉靖餘杭縣志下並同

祥壩塘

在縣東北二十五里山前界

係湖塘

石瀨塘 姚湖塘 並在縣東北三十里作姚

黃塘

萬歷舊志

陳家壩塘

自陶村塘以下並在常熟鄉

咸淳志

李壩塘

在常熟鄉

萬歷舊志

水少月示
莊前壩塘

在縣北二十四里舊市界

嘉靖餘杭縣志下並同

吳山壩塘

前村倉坂塘

並縣西北二十五里

感塘

在縣北二十八里

夾堰塘

在縣西北三十里

曹村壩塘

自莊前壩以下並在長安鄉

咸淳志

後岸塘

上母塘

俱在縣北二十八里長安鄉

萬歷舊志

菱溪塘

在縣北三十五里長安鄉

嘉靖餘杭縣志

吳家壩塘

在長安鄉

萬歷舊志

黃湖塘

在縣北四十五里止戈鄉黃湖界

嘉靖餘杭縣志下同

古城塘

在縣北六十里古城界屬止戈鄉

東郭堰 在溪南舊縣之東南渠河上漢令陳渾置廢已

久今呼東程爲堰下

咸淳志
下同

千秋堰 在縣東南二里政和中塞至今人思其利 此

堰上下最當激衝去今稅務巷數十步乃其故跡也

嘉靖
餘杭

縣志下
並同

尹公堰 在通濟橋東百步許溉下湖寺中等壩田坐落

西北隅

烏龍堰 又名烏泥在鳳儀塘東苕溪上由青石橋灌溉

文山金宋諸保

蔣堰 在縣東南隅

留功堰 在東五里安樂鄉年久湮塞正德間知縣喻江
勸陰陽官褚宏鑿石脩築

矜功堰 全功堰 疏功堰 俱在留功以北

石母堰 在縣南十五里欽德鄉西舍界

姥山堰 秀女堰 俱在縣西南招德鄉朱橋界

黃公堰 在縣西北三十里孝行進賢界

成化舊志

席堰 在縣西北二十五里孝行後杏界

嘉靖餘杭縣志

積古堰 仇南田所仰賴

萬歷舊志

張堰 在縣東北二十里常熟黃坑界

嘉靖餘杭縣志下並同

馮家堰 在縣東北三十里厚郎界

石塔堰 在縣東北三十五里山前界

雙堰 何婆堰 陳壩堰 香墩堰 皆徑山北田所仰

賴萬歷舊志

曹村堰

在縣北二十四里長安鄉舊市界

嘉靖餘杭縣志下並同

張家堰

在縣北二十九里吳山界

郊堰

在縣北三十里吳山界

官堰

在縣西北四十五里上高界

白沙堰

在縣北四十里止戈鄉浮里界

五畝塍滾壩

在縣東南五里宣節湖水爲安樂等鄉鉅

防

輔壩 在滾壩之上流康熙十年知縣宋士吉築舊志

新壩 在縣東南二十二里安樂新壩保嘉靖餘杭縣志下並同

小秋壩 在東南隅

里新壩 寺中壩 陸家壩 俱東塘界

聞壩 和尚壩 化灣壩 俱免函界

道人壩 在閑林東扇

下湖壩 在縣東北五里招德鄉西北隅

上湖壩 在縣東六里郎王界

淳湖壩 在郎王界

石山壩 在仙宅界

亭子壩 陳家壩 喻家壩 俱在白社界

吳市壩 鎮前壩 前溪壩 俱在吳市界

湖丕壩 祥壩 下山壩 插壩 俱縣東北二十五里

山前界

石瀨壩 查塢壩 俱縣東北三十五里山後界

中壩 姚壩 黃壩 俱在黃坑界

莊前壩 前倉壩 俱在舊市界

西函陡門 在縣東十里高二丈二尺濶一丈五尺漢令

陳渾所置

東橋陡門 在縣東十里高二丈濶一丈五尺溉田三千

畝

倪家陡門 班湖壩陡門 俱在縣東北八里東塘界

義林園陡門 在安樂鄉免函界 成化舊志下同

許家畝陡門 在縣東北十五里安樂鄉支港界

龍光陡門 在縣東二里招德鄉西北隅 嘉靖餘杭縣志

何家陡門 水南田所仰賴 萬歷舊志下並同

鄭家陡門 在縣北三里郎王界高一丈三尺濶一丈

天竺陡門 在縣西北五里盛宅界

苧山畝上陡門 苧山畝下陡門 俱皆縣北十二里同

化鄉仙澤界

頓村陡門

在縣西北二十五里常熟鄉山前界

嘉靖餘杭縣志

下並同

羅漲陡門

在縣東北三十里山前界

三里陡門

在縣東北三十五里山後界

陳家壩陡門

在縣東北二十里黃坑界

尹公笕

在縣東一里北灌下湖壩

萬歷舊志下並同

烏龍笕

在縣東二里承金秋堰之水南灌安樂直至錢

塘乃錢武肅王所置最為衝要

亭子笕

在縣北十九里灌亭子壩

李壩笕

在縣北二十里灌李村壩

田圩

餘杭縣田凡一百九畝五十三圩三十七壩

臨安縣

按臨安雖山縣而溪流達乎四境苕溪歷縣界七十三里
董溪郛溪潘溪合之於縣北馬溪靈溪錦溪合之於縣南
猷溪仇溪合之於餘杭界環縣之山百泉競澍崕流相承
度陌越阡旋轉合附支脉所散無不給其溉潤焉舊志謂
臨安猷畝不仰涓滴于四鄰語固然也然其地高水駛復
無廣陂巨浸以爲瀦驟而盈亦驟而涸田之肥磽惟視水
之渟注水之渟注亦視堰之得失可無豫籌哉宋志載堰

十二今不啻十倍數百年來循前緒飭新功者不乏人
而其興建歲月書闕有間今特以可考者著于篇

唐 天授三年勅錢塘於潛餘杭臨安四縣租稅綱運徑

取道于茗溪公私便之

咸淳志

晉 天福二年秋七月越王錢鏐親巡衣錦城治溝洫

吳越

備史

明 洪武二十七年及三十年間開挑國昌靈鳳二鄉青

桐灣化同塢蝦蟇塢等處築塘

浙江通志

成化間方早知縣事造竹林長橋二座于茗溪上人咸德

之

萬歷舊志

萬歷三十八年知縣黃象鼎以縣西塘當九水之衝爲縣民患築塍百餘丈防之

臨安縣志

國朝 乾隆二十年知縣趙民洽濬學外泮湖以備溉田之用

臨安縣志

臨安環境皆山也天目之水發源於潛經臨安趨

南湖疾流奔注方山水驟至儼如巨浸乃朝嘆望洋夕仍溝澮周縣之境並無巨陂深潭以爲之滯田功所藉僅溪澗微流耳惟設堰一事可以稍濟灌輸然時值久旱土石爲焦井堰亦無用夫至堰亦無用益當計之詳而圖之豫矣故堰之築宜謹堰之設宜周堰之利宜均堰之害宜屏將土之民庶有瘳乎

舊志

臨邑地高水瀉盈涸不常惟累土

填沙為堰以資蓄洩每一決則膏腴頓成陸地故各立長
監之以司歲脩防盜決地出薪炭香紙結筏轉輸必以其
時定例閉堰于四月朔開堰于九月朔凡以為溉田計者

至矣

臨安縣志

塘堰

湖塘 在縣西北一百五十步

咸淳志

在谷昌鄉古築塘塍

作行路今廢

萬歷臨安縣志

項家塘 在縣南三里淨土寺之側

咸淳志

自錦溪分灌淨

土後田

萬歷舊志

吳諸塘

在縣東南四里

咸淳志

灌開化田

萬歷舊志

小塘 在縣北二里

咸淳志

白馬溪分灌土橋田

萬歷舊志

青桐灣塘 化同塢塘

乾陂塘 並在縣西五里

浙江通志

青桐灌蘇塢田化同灌寺東田乾陂灌土橋田

萬歷臨安縣志

後墅塘

在縣西八里

浙江通志

灌湖馬田

萬歷臨安縣志

夏家塘

在縣東十八里

浙江通志

灌橫塘田

萬歷臨安縣志

孫家塢塘

在縣北八里自青桐以下並在國昌鄉

浙江通志

與後墅塘同灌湖馬田

萬歷舊志

東泉塘

水鞠塘

蝦蟇塢塘

並在縣北十八里靈鳳

鄉

浙江通志

三塘俱灌靈鳳田

萬歷舊志

患塘

在縣西三里南北鄉當九水之衝為縣民患今築

陸萬歷臨安縣志

五柳溪塘 五柳堰上有瀦水溪塘臨安縣志

上橫堰 後郎堰 胡塘堰 或曰湖淘堰南溪自泥塢

來二十里為上橫堰灌雙溪田又三里為後郎堰灌裏坂

田又三里為胡塘堰灌橫路楊橋田俱在永安鄉萬歷舊志下同

黃沙堰 西華堰 閩川堰 胡塘而下三里為黃沙堰

灌金岫田又三里為西華堰灌浪山田又三里為閩川堰

灌閩口田俱在金岫鄉

濟川橋堰 水自黃洞白沙來灌橋東田臨安縣志

按舊志無此堰縣志次于黃沙堰下其濟川橋與閩川

浪山二橋同列金岫鄉省志作辰隆鄉誤

洪堰 萬庾堰 在縣西四里

咸淳志

五袴堰 在縣西三里

竹林堰 閩川堰而下二十四里為洪堰灌黃潭田又一

里為萬庾堰灌下坂田又一里為五袴堰灌西門坂田又

一里為竹林堰灌三墩坂田俱在衣錦鄉

萬歷舊志

鄭堰 今廢

臨安縣志

軋堰 軋堰長橋堰黑龍堰並在縣東施村

咸淳志

作乾堰

萬歷舊志下同

長橋堰 子堰 黑龍堰 子堰 長潭堰 下洪堰

竹林堰而下一里爲乾堰灌東門坂田又一里爲長橋堰
灌翁田坂田又一里爲子堰灌塘灣坂田又一里爲黑龍
堰灌後洪村田又一里爲子堰灌下村田又二里爲長潭
堰灌永豐坂田又七里爲下洪堰灌柿樹坂田俱在國昌
鄉

五柳堰 馬堰 新橋水自雙林而來有此二堰合長橋
下子堰共灌塘灣坂田在安義鄉

萬歷臨
安縣志

戴武堰 八畝堰 邵溪堰 倒畝堰 弼堰 邵溪自
黑驢菴來二十五里爲戴武堰灌兢頭田又一里爲八畝
堰灌觀音山田又一里爲邵溪堰灌邵塢田又一里爲倒

畝堰又一里爲弼堰共灌倒畝田俱在金岫鄉

萬歷舊志

西溪堰 黃龍堰 青堰 後塘之水自子午而來二里

爲西溪堰灌後塘坂田又二里爲青龍堰灌陽干坂田又二里爲青堰灌鶴坂田俱在辰隆鄉

玉溪堰 西溪堰下爲玉溪堰灌本鄉田

萬歷臨安縣志

大畝堰 天目之水自本山來十里爲此堰灌大畝田在

辰隆鄉

萬歷舊志下同

盛家堰 新堰 弼堰 大畝堰而下十里爲盛家堰灌

碧淙田又十里爲新堰灌青嶺田又五里爲弼堰灌長千

田俱在天目鄉

馬堰 分天目山水灌本鄉田

萬歷臨安縣志

細田堰 江家堰 杜堰 新堰 八畝堰 董溪自昭

明菴來三里爲細田堰灌龍王田又一里爲江家堰灌漫

嶺田又一里爲杜堰灌南莊田又五里爲新堰灌龍溪田

又二里爲八畝堰灌油口田俱在天目鄉

萬歷舊志

新溪堰 新溪甘棠二堰並在縣西二十里灌田甚多

咸淳志

郎山堰

縣志作郎山

下郎堰 章家堰 樊家堰 新堰 堂

子堰 甘棠堰 子堰 潘溪自下莊而來十四里爲新

溪堰灌壁西田又六里爲郎山堰灌峽溪田又一里爲下

郎堰灌油泥田又一里爲章家堰灌廟山田又一里爲樊
家堰灌錢王田又三里爲新堰灌破溪田又三里爲堂子
堰灌後郎田又一里爲甘棠堰灌新溪田又一里爲子堰
灌白沙田俱在福興鄉萬歷舊志

鸚八堰 放生堰 鸚八灌中溪坂田放生生石嶺坂田
並福興鄉臨安縣志下同

巫山堰 橫山堰 劉堰 上金堰 下金堰 俞家堰

東山堰 徐家堰 蘭嶺堰 下有楊家堰駱家塘堰

并大堰

魚躍堰 在縣南一里咸淳志下同

金鐘堰 在縣東三里 錦溪自乾塢而來十里爲巫山
堰灌巫山坂田又二里爲橫山堰灌前莊坂田又一里爲
劉堰灌荆坂田又一里爲上金堰灌後山坂田又一里爲
下金堰灌雙輪碓田又一里爲俞家堰灌盤龍田又一里
爲東山堰灌掛坂田又一里爲徐家堰灌沙地田又三里
爲蘭嶺堰灌伴嶺田又三里爲魚躍堰灌大坂田又三里
爲金鐘堰灌獨山田俱在衣錦鄉

萬歷舊志下同

黑龍堰 金鐘堰下三里爲此堰灌前後頭二坂田在靈

鳳鄉

筍嶺堰

承筍嶺之水灌慶仙田在靈鳳

萬歷臨安縣志

蕭條堰

八畝堰

上掛堰

下掛堰

蕭條水自沈嶺

來十六里爲蕭條堰灌安樂田又三里爲八畝堰灌龜山

田又三里爲上掛堰灌播鼓田又三里爲下掛堰灌譚村

田俱在靈鳳鄉

萬歷舊志下同

琴山堰

積水堰

小堰

胡家堰

俞村堰

縣志作白餘村

白

塘新堰

橫溪自黃嶺來二十六里爲琴山堰灌俞村田

又一里爲積水堰又一里爲小堰共灌安南田又一里爲

胡家堰灌茶山田又一里爲俞村堰灌馬嶺田又一里爲

白塘新堰灌筆架山田俱在靈鳳鄉

邵家堰

金波堰

靈溪自觀音嶺來有邵家堰在奉東

鄉灌仙坂田又有金波堰在新西鄉灌亭川坊田

萬歷臨安縣志

蘆堰 杜堰 奴堰 泥瓜堰 寮堰

一作寮

遼堰

仇溪

自望仙來十里為蘆堰灌長清田又四里為杜堰灌永昌田又一里為奴堰灌查川田又一里為泥瓜堰灌泥馬田又一里為埆堰灌前埆田又一里為遼堰灌溪東坂田俱在高陸鄉

萬歷舊志

朴樹堰 楊山堰 沃山堰 在慶雲鄉有潭甚深冬夏

不竭

咸淳志下同

烏潭堰 龍口石堰

按咸淳志云在高陸

石堰 龍門堰 東莊堰 烏獨堰 猴山堰 遼堰而

下五里爲朴樹堰灌廟山田又一里爲楊山堰灌黑青灣

田又一里爲沃山堰灌安山三坂田又一里爲烏潭堰灌

塘下坂田又一里爲龍口石堰灌山下坂田又一里爲石

堰灌下湖坂田又一里爲龍門堰灌齊湖坂田又二里爲

東莊堰灌婆坂田又一里爲烏獨堰灌班仲塢田又二里

爲猴山堰灌中坂田俱在慶雲鄉

萬歷舊志

桃花堰 灌高陸四畝田

臨安縣志下同

後昌堰 灌高陸四二堰水俱大山來

大石堰 上下堰 爲頭堰 猷溪堰 在高陸

咸淳志

觀家堰 猷溪自大山來二十五里爲大石堰灌江嶺田
又一里爲上下堰灌神堂塢田又一里爲爲頭堰灌水洶
莊田又一里爲猷溪堰灌後感田又一里爲觀家堰灌折
下坂田俱在高陸鄉

萬歷舊志
下並同

麻窄堰 楊木堰 白水自中地來六里爲麻窄堰灌下
程田又二里爲楊木堰灌上坂田俱在大雲鄉

青山堰 郎家堰 楊木堰而下六里爲青山堰灌青山
坂田又一里爲郎家堰灌塘頭村田俱在慶雲鄉

廟潭堰 九畝堰 竹柵堰 竹柵一名石柵

臨安縣志

獨山

之水自徑山而來二十五里爲廟潭堰灌下塘田又二里

爲九畝堰灌洪村田又徑山水自冷塢而來五里爲竹柵

堰灌前村田俱在山川鄉

萬歷舊志下同

田圩

臨安縣田多不著圩名以西鄉南鄉北鄉東南鄉判之